

UGOVOR
o nabavci robe za
LOT 2: KOMPJUTERSKA OPREMA ZA OSOBE SA INVALIDITETOM

Zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Ugovorni organ)

ID: 4200494560007

i

2. Network I d.o.o. Bijeljina, ul. Potporučnika Smajića 26, 76300 Bijeljina koga zastupa direktor Mile Tomić (u daljem tekstu: Prodavac)

ID broj: 4402199430004

Broj transakcijskog računa: 1610850004480059 otvoren kod Raiffaisen bank d.d.

Ovaj Ugovor se zaključuje na osnovu Odluke broj: 0101-3915-6/18 od 05.11. 2018. godine o izboru najpovoljnijeg ponuđača, koja je donesena nakon provedenog postupka KONKURENTSKI ZAHTJEV, za koji je dana 12.10.2018 godine na Portalu javnih nabavki BiH, objavljeno Obavještenje o nabavci broj: 999-7-1-8-52/18.

I. PREDMET UGOVORA

Član 1.

Predmet ovog Ugovora je nabavka robe - **LOT 2: KOMPJUTERSKA OPREMA ZA OSOBE SA INVALIDITETOM** za potrebe i po zahtjevu Ugovornog organa, u svemu prema Tenderskoj dokumentaciji broj: 0101-3915-3/18 od 12.10.2018. godine (u daljem tekstu: Tenderska dokumentacija) i ponudi Prodavca broj: 16-10-2/18 od 16.10. 2018. godine (u daljnjem tekstu: Ponuda Prodavca), koja čine sastavni dio ovog Ugovora.

II. CIJENA

Član 2.

Ukupna cijena ovog Ugovora prema specificiranim robama, količinama i ugovorenim jediničnim cijenama iznosi

Lot 2 – Kompjuterska oprema za osobe sa invaliditetom 5.900,00 KM bez PDV-a. (slovima: pethiljadaidevetstotina KM i 00/100).

Cijene robe obuhvataju sve troškove do isporuke robe na adresu krajnjeg korisnika.

Ugovorene cijene iz stava 1. ovog člana su fiksne i neće se mijenjati za vrijeme trajanja ovog ugovora.

III. MJESTO ISPORUKE

Član 3.

Mjesto isporuke predmetne robe je na adresi: Mjesto isporuke u organizacionoj jedinici Univerziteta u Sarajevu: Centar za interdisciplinarne studije, Zmaja od Bosne bb, 71000, Univerzitet u Sarajevu, Obala Kulina bana 7/II Sarajevo.

IV. ROK I NAČIN ISPORUKE

Član 4.

Prodavac se obavezuje da će isporuku predmetne robe izvršiti u roku od 7 dana od dana potpisivanja ugovora.

Član 5.

Prodavac je dužan da robu isporuči u originalnom pakovanju.

Kao dokaz izvršene isporuke robe, Prodavac uz račun prilaže otpremnicu, koja mora biti potpisana od predstavnika Ugovornog organa i Prodavca.

U slučaju da Prodavac isporuči robu koja nije u skladu sa zahtjevom iz Tenderske dokumentacije i Ponudom Prodavca ili predstavnici Ugovornog organa utvrde da je roba oštećena ili neispravna, Ugovorni organ će odbiti prijem takve robe, te zahtijevati od Prodavca da u roku od 24 (dvadesetčetiri) sata isporuči robu bez nedostataka ili da o svom trošku utvrđene nedostatke otkloni.

Ukoliko Prodavac u ostavljenom roku ne isporuči robu bez nedostataka, odnosno nedostatke ne otkloni, Ugovorni organ ima pravo da raskine ugovor i zahtijeva naknadu štete.

V. NAČIN PLAĆANJA

Član 6.

Ugovorne strane su saglasne da će Ugovorni organ izvršiti plaćanje preuzete robe u roku od (30) trideset dana od dana prijema potpisane i ovjerene fakture od strane Prodavca.

Prodavac dostavlja fakturu na Pisarnicu Univerziteta u Sarajevu, Obala Kulina bana 7/II, 71 000 Sarajevo.

Plaćanje se vrši po dospijeću na transakcijski račun Prodavca.

VI. OBAVEZE UGOVORNOG ORGANA

Član 7.

Ugovorni organ se obavezuje da:

- Prodavcu odredi termin za isporuku predmetne robe;
- izvrši pregled i preuzimanje isporučene robe, bez nedostataka;
- da plati primljenu fakturu Prodavca, u skladu sa članom 6. stav (1) ovog Ugovora.

VII. OBAVEZE PRODAVCA

Član 8.

Prodavac se obavezuje da:

- isporuči robu prema zahtjevima iz Tenderske dokumentacije;
- izvršiti sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnje destinacije i sve druge usluge u smislu pripreme robe za prijem na njeno odredište;
- snosi sve rizike do konačnog prijema robe na krajnjem odredištu;
- izvrši isporuku predmetne opreme na mjestu i u roku utvrđenom ovim Ugovorom;

- kvalitetno i uredno izvrši ovaj Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku realizacije Ugovora;
- riješi eventualne reklamacije Ugovornog organa potpisane od strane ovlaštenog predstavnika Ugovornog organa,
- ispostavi fakturu za isporučenu opremu.

VIII. GARANCIJA

Član 9.

Prodavac daje garanciju Ugovornom organu da oprema iz člana 1. Ovog Ugovora odgovara u svemu tehničkim normativima i važećim propisima.

Prodavac garantuje funkcionisanje i tehničke karakteristike opreme iz člana 1. Ovog Ugovora i odgovoran je za sve eventualne nedostatke i defekte na isporučenoj opremi.

Garantni rok za isporučenu opremu je definisan u svemu prema Tenderskoj dokumentaciji i ponudi Prodavca broj: 16-10-2 od 16.10.2018. godine, koja čini sastavni dio ovog Ugovora.

Član 10.

U garantnom roku Prodavac se obavezuje da odmah započne sa popravkom ili zamjenom i otklanjanjem kvarova i nedostataka na isporučenoj opremi, ali najkasnije u roku od 2 (dva) dana od dana prijema opreme od strane Ugovornog organa.

Prodavac preuzima neispravnu i vraća popravljenu opremu u Sarajevu ili kroz mrežu ovlaštenih servisa. Sve popravke u garantnom roku padaju na teret Prodavca.

Ukoliko Prodavac ne bude u mogućnosti da započne otklanjanje kvarova i nedostataka u roku od 2 (dva) dana od dana prijem obavještenja od Ugovornog organa Ugovorni organ ima pravo da sam otkloni nedostatke ili da ovaj posao povjeri trećem licu, o trošku Prodavca.

IX. RASKID UGOVORA

Član 11.

Ugovorni organ ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz ovog Ugovora u ugovorenom roku, a koje nisu rezultat kašnjenja preuzetih obaveza Ugovornog organa.

Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.

Obavijest mora sadržavati razlog raskida ugovora.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

X. UGOVORNA KAZNA

Član 12.

Za svaki dan kašnjenja u isporuci robe do kojeg je došlo krivicom Prodavca, Prodavac se obavezuje da Ugovornom organu na ime ugovorne kazne plati 0,2 % od ugovorene vrijednosti robe, a najviše 5 % (pet posto) od ukupno ugovorene vrijednosti robe.

Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

XI. ZAVRŠNE ODREDBE

Član 13.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 14.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 15.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 16.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra se datumom stupanja na snagu ovog Ugovora.

Član 17.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana.

ZA UGOVORNI ORGAN

Rektor

Prof. dr. Rifat Škrijelj

Broj: 0101-3915-7-2/18
Sarajevo, 09.11.2018

ZA PRODAVCA

Direktor



Broj: 0911/18-D
Datum, 09.11.2018